

杜工部集

七

宗板杜工部集

王原叔_洙編次本

第柒冊

杜工部集卷第十四



前劔南節度叅謀宣義郎檢校尚書工部員外郎賜緋魚袋京兆杜甫

近體詩一百首

哭嚴僕射歸櫬一首

宴戎州楊使君東樓一首

渝州候嚴六侍御不到先下峽一首

聞高常侍亡一首忠州作宴忠州使君姪宅一首

禹廟一首

題忠州龍興寺所居院壁一首

旅夜書懷一首 別常徵君一首

杜集十四

十二月一日三首 又雪一首

奉漢中王手札一首

贈崔十三評事公輔一首 長江二首

承聞故房相公靈櫬自閬州啓殯歸葬東都

有作二首

雲安九日鄭十八携酒陪諸公宴一首

荅鄭十七郎一絕 將曉二首

懷錦水居止二首 子規一首

立春一首 漫成絕句一首

老病一首 南楚一首

移居夔州郭一首

船下夔州郭宿雨濕不得上岸別王十二判官一首

入宅三首

赤甲一首

上白帝城二首

愁一首

江雨有懷鄭典設一首 雨不絕一首

崔評事弟許相迎不到應慮老夫見泥雨怯出

必愆佳期走筆戲簡一首

晝夢一首

熟食日示宗文宗武一首 又示兩兒一首

陪諸公上白帝城頭宴越公堂之作一首

杜集一四

傷春五首

暮春題灑西新賃草屋五首

承聞河北諸道節度入朝歡喜口號絕句十二首

得舍弟觀書自中都已達江陵今茲暮春月末

行李合到夔州悲喜相兼團圓可待賦詩

即事情見乎詞一首

喜觀即到傷題短篇二首

喜聞盜賊蕃寇揔退口號五首

即事一首

見螢火一首

送十五弟侍御使蜀一首

暮春一首

晴二首

雨一首

月三首

園一首

歸一首

諸葛廟一首

豎子至一首

舍弟觀歸藍田迎新婦送示兩篇

季夏送鄉弟韶陪黃門從叔朝謁一首

返照一首

熱三首

示獠奴阿段一首

簡吳郎司法一首

又呈吳郎一首

杜工部集卷第十四

杜集十四

三

近體詩一百首

行過戎渝州居雲安夔州作

哭嚴僕射歸櫬

素幔隨流水歸舟返舊京老親如宿昔部曲異平生

風送

一作逆

蛟龍雨

晉作匣

天長驃騎營一哀三峽暮遺後見

君情

宴戎州楊使君東樓

勝絕驚身老情忘發興竒座從歌妓密樂任主人為

重碧酌

一作拈一作擊一作拓

春酒輕紅擘荔枝樓高欲愁思橫笛

未休吹

渝州候嚴六侍御不到先下峽

聞道乘驄發沙邊待至今不知雲雨散虛費短長吟
山帶烏蠻闊江連白帝深舡經一柱觀留眼一作帶共登臨

聞高常侍亡 忠州作

歸朝不相見蜀使忽傳亡虛歷金華省何殊地下郎
致君丹檻折哭友白雲長獨步詩名在祇令故舊傷

宴忠州使君姪宅

出守吾家姪殊方此日歡自須遊阮舍陳作巷不是怕湖

灘樂助長歌送陳作逸林饒旅思寬昔曾如意舞牽率強

為看

禹廟

杜集一四

四

禹廟空山裏秋風落日斜荒庭垂橘柚古屋畫龍蛇

雲氣生虛壁一作噓青壁江聲走白沙早知乘四載疏鑿一云流落

控三巴

題忠州龍興寺所居院壁

忠州三峽內井邑聚雲根小市常爭米孤城早閉門
空看過客淚莫覓主人恩淹泊仍愁虎深居賴獨園

旅夜書懷

細草微風岸危檣獨夜舟星垂平野闊月湧大江流
名豈文章著官應老病休飄零何所似天地一沙鷗

別徵常君

兒扶猶杖策卧病一秋強白髮少新洗寒衣寬總長
故人憂見及此別淚相忘各逐萍流轉來書細作行

十二月一日三首

今朝臘月春意動雲安縣前江可憐一聲何處送書
鴈百丈誰家上水船未將梅藥驚愁眼要取椒花媚
遠天明光起草人所羨肺病幾時朝日邊

寒輕市上山煙碧日滿樓前江霧黃負鹽出井此谿
女打鼓發船何郡郎新亭舉目風景切茂陵著書消
渴長春花不愁不爛熳楚客唯聽棹相將

即看鷺子入山扉豈有黃鸝歷翠微短短桃花臨水岸

杜集十四

五

輕輕柳絮點人衣春來準擬開懷又老去親知見面
稀他日一杯難強進重嗟筋力故山違

又雪

南雪不到地青崖露未消微微向日薄脉脉去人遙
冬熱鴛鴦病峽深豺虎驕愁邊有江水焉得北之朝

奉漢中王手札

國有乾坤大王今叔父尊剖符來蜀道歸蓋取荆門峽
險通舟過陳作峻江長注海奔主人留上客避暑得名園
前後緘書報分明饌玉恩天雲浮絕壁風竹在華軒
已覺良宵永陳作逸何看駭浪翻入期朱邸雪朝傍紫

微垣枚乘文章老河間禮樂存悲秋宋玉宅失路武
陵源淹薄俱崖口東西異石根夷音迷咫尺鬼物傍
一作倚黃昏犬馬誠為戀狐狸不足論從容草奏罷宿昔
奉清罇

贈崔十三評事公輔

飄飄西極馬來自渥洼池颯颯定一作寒山桂低徊風雨
枝我聞龍正直道屈爾何為且有元戎命悲訝識者
知官聯辭冗長行路洗歎危脫劍主人贈去帆春色
隨陰沈鐵鳳闕教練羽林兒天子朝侵早雲臺仗數
移分軍應供給百姓日支離黠吏因封己公才或守

杜集六十四

六

雌燕王買一作賈駿骨渭老得熊羆沽國名公在拜壇群
寇疑冰壺動瑤碧野水失蛟螭入幕諸彥聚渴賢高
選宜騫騰坐可致九萬起於斯復進出矛戟昭然開
鼎彝會看之子貴歎及老夫衰豈但江曾決還思霧
一披暗塵生古鏡拂匣照西施舅氏多人物無慙困
翻垂

長江二首

衆水會涪萬瞿唐爭一門朝宗人共挹盜賊爾誰尊
孤石隱如馬高蘿垂飲猿歸心異波浪何事即飛翻
浩浩終不息乃知東極臨一作深衆流歸海意萬國奉君

微垣枚乘文章老河間禮樂存悲秋宋玉宅失路武陵源
淹薄俱崖口東西異石根夷音迷咫尺鬼物傍

一作倚黃昏犬馬

卷十四贈崔公輔詩

冊從容草奏罷宿昔

奉清罇

翻知西字均同吳若本

贈崔十三評事公輔

飄飄西極馬來自渥洼池颯颯定

一作寒

山桂低徊風雨

枝我聞龍正直道屈爾何為且有元戎命悲訶識者
知官聯辭冗長行路洗歎危脫劍主人贈去帆春色
隨陰沈鐵鳳闕教練羽林兒天子朝侵早雲臺仗數
移分軍應供給百姓日支離黠吏因封己公才或守

杜集十四

六

雌燕王買

一作賈

駿骨渭老得熊羆沽國名公在拜壇群

寇疑冰壺動瑤碧野水失蛟螭入幕諸彥聚渴賢高
選宜騫騰坐可致九萬起於斯復進出矛戟昭然開
鼎彝會看之子貴歎及老夫衰豈但江曾決還思霧
一披暗塵生古鏡拂匣照西施舅氏多人物無慙困
翻垂

長江二首

衆水會涪萬瞿唐爭一門朝宗人共挹盜賊爾誰尊
孤石隱如馬高蘿垂飲猿歸心異波浪何事即飛翻
浩浩終不息乃知東極臨

一作深

衆流歸海意萬國奉君

心色借瀟湘闊聲驅艷瀕深一作沉未辭添霧雨接上遇
一云過衣襟

承聞故房相公靈輓自閬州啓殯歸葬東都
有作二首

遠聞房太守一作尉歸葬陸渾山一德興王後孤魂久客間
孔明多故事安石竟崇班他日嘉陵涕仍霑楚水還
丹旄飛飛日初傳發閬州風塵終不解江漢忽同流
劔動新身匣書歸故國樓盡哀知有處為客恐長休
雲安九日鄭十八携酒陪諸公宴

寒花開已盡菊蕊獨盈枝舊摘人頻異輕香酒暫隨

杜集一四

七

地偏初衣袂山擁更登危萬國皆戎馬酣歌淚欲垂
荅鄭十七郎一絕

雨後過畦潤花殘步履遲把文驚小陸好客見當時
將曉二首

石城除擊柝鐵鍊欲開關鼓角悲荒塞星河落曙山
巴人常小梗蜀使動無還垂老孤帆色飄飄犯百蠻
軍吏回官燭舟人自楚歌寒沙蒙薄霧落月去清波
壯惜身名晚衰慙應接多歸朝日簪笏筋力定如何
懷錦水居止二首

軍旅西征僻風塵戰伐多猶一作獨聞蜀父老不忘舜謳

歌天險終難立柴門豈重過朝朝巫峽水遠遠錦江波
萬里橋南宅百花潭北莊層軒皆面水老樹飽經霜
雪嶺界天白錦城曛日黃惜哉形勝地回首一茫茫

子規

峽裏雲安縣江樓翼瓦齊兩邊山木合終日子規啼
眇眇春風見蕭蕭夜色淒客愁那聽此故作傍人低

一云故傍
旅人低

立春

春日春盤細生菜忽憶兩京梅發時盤出高門行白
玉菜傳纖手送青絲巫峽寒江那對眼杜陵遠客不

杜集十四

八

勝悲此身未知歸定處呼兒覓紙一題詩

漫成一絕

江月去人只數尺風燈照夜欲三更沙頭宿鷺聯拳

靜一作起船尾跳魚撥一作跋刺鳴

老病

老病巫山裏稽留楚客中藥殘他日裏花發去年叢
夜足霑沙雨春多逆水風合分雙賜筆猶作一飄蓬

南楚

南楚青春異暄寒早早分無名江上草隨意嶺頭雲
正月蜂相見非時鳥共聞杖藜妨躍馬不是故離群

移居夔州郭

伏枕雲安縣遷居白帝城春知催柳別江與一作放船
清農事聞人說山光見鳥情禹功饒斷石且就土微平

船下夔州郭宿雨濕不得上岸別王十二判官

依沙宿舸舫石瀨月娟娟風起春燈亂江鳴夜雨懸晨鐘
雲外晉作岸濕勝地石堂烟柔櫓輕鷗外含悽覺汝賢

入宅三首

奔峭背赤甲斷崖當白鹽客居媿遷次春酒漸多添花
亞欲移竹鳥窺新捲簾衰年不敢恨勝槩欲相兼

亂後居難定春歸客未還水生魚復浦雲暖麝香山半

杜集一四

九

樊作頂梳頭白過眉拄杖班相看多使者一一問函關

宋玉歸州宅雲通白帝城吾人淹老病旅食豈才名峽
口風常急江流氣不平只應與兒子飄轉任浮生

赤甲

卜居赤甲遷居新兩見巫山楚水春炙背可以獻天
子美芹由來知野人荊州鄭薛寄書近蜀客郗岑非
我鄰笑接郎中評事飲病從深酌道吾貞

上白帝城二首

江城含變態一上一回新天欲今朝雨山歸萬古春英
雄餘事業衰邁久風塵取醉他鄉客相逢故國人兵

戈猶擁蜀賦斂強輸秦不是煩形勝深慙一作愁畏損神
白帝空祠廟孤雲自往來江山城宛轉棟宇客徘徊勇
略今何在當年亦壯哉後人將酒肉虛殿日塵埃谷鳥
鳴還過林花落又開多慙病無力騎馬入青苔

愁強戲為吳體

江草日日喚愁生巫作春巫峽泠泠非世情盤渦鷺浴底心性
獨樹花發自分明十年戎馬暗萬國異域賓客老孤城
渭水秦山得見否人今罷病虎縱橫

江雨有懷鄭典設

春雨閣閣塞晉作發峽中早晚來自楚王宮亂波分披已打

杜集十四

十

岸弱雲狼籍不禁風寵光蕙葉與多碧點注桃花舒小紅
谷口子貞正憶汝岸高讓滑一作闊限西東

雨不絕

鳴雨既過漸細晉作細雨微映空搖颺如絲飛堦前短草泥不亂
院裏長條風乍稀舞石旋應將孔子行雲莫自濕仙衣眼
邊江舸何忽促未待晉作得安流逆浪歸

崔評事弟許相迎不到應慮老夫見泥雨怯出
必愆佳期走筆戲簡

江閣要賓許馬迎午時起坐自天明浮雲不負青春色
細雨何孤白帝城身過花間露濕好醉於馬上往來輕

虛疑皓首衝泥怯實少銀鞍傍險行

書夢

二月饒睡昏昏然不獨夜短晝分眠桃花氣暖眼自醉
春渚日落夢相牽故鄉門巷荆棘底中原君臣豺虎邊
安得務農息戰鬪普天無吏橫索錢

熟食日示宗文宗武

消渴遊江漢羈栖尚甲兵幾年逢熟食萬里逼清明松
柏邛山路風花白帝城汝曹催我老迴首淚縱橫

又示兩兒

令節成吾老他時見汝心浮生看物變為恨與年深長

杜集十四

十一

葛書難得江州涕不禁團圓思弟妹行坐白頭吟

陪諸公上白帝城頭宴越公堂之作

此堂存古製城上俯江郊落構垂雲雨荒堦蔓草茅柱
穿蜂溜蜜棧缺燕添巢坐接春盃氣心傷艷藻梢英靈
如過隙宴術願投膠古樂府云以膠投漆中誰能別離此莫問東流水生涯未
即拋

傷春五首

天下兵雖滿春光一作青春日自濃西京疲百戰北闕任羣凶關
塞三千里烟花一萬重蒙塵清露急御宿且一作有誰供殷復
前王道周遷舊國容蓬萊足雲氣應合總從龍

鷲入新年語花開滿故枝天青風卷幔草碧水通池牢落
官軍速蕭條萬事危鬢毛元自白淚點向來垂不是無兄
弟其如有別離巴山春色靜北望轉逶迤

日月還相鬪星辰屢合

一云亦屢

圍不成誅執法焉得變危機

大角纏兵氣鉤陳出帝畿烟塵昏御道耆舊把天衣行
在諸軍闕來朝大將稀賢多隱屠釣王肯載同歸

再有朝廷亂難知消息貞近傳王在洛復道使歸

一作秦通

奪馬悲公主登車泣貴嬪蕭關迷北上滄海欲東巡敢料
安危體猶多老大臣豈一作得無嵇紹血霑灑屬車塵

聞說初東幸孤兒却走多難分太倉粟競棄魯陽戈胡

杜集十四

三

虜登前殿王公出御河得無忍

一云為

中夜舞誰

一作耳

憶大風歌

春色生烽燧幽人泣薜蘿君臣重修德猶足見時和

暮春題灤西新賃草屋五首

父嗟三峽客再與暮春期百舌欲無語繁花能幾時谷
虛雲氣薄波亂日華遲戰伐何由定哀傷不在茲

此邦千樹橘不見比封君養拙干戈際全生麋鹿群畏人江
北草旅食灤西雲萬里巴渝曲三年實飽聞

綵雲陰復白錦樹曉

晉作晚

來青身世雙蓬鬢負乾坤一草亭哀歌

時自短醉舞為誰醒
細雨荷鋤立江猿
吟翠屏

壯年晉作志學書劍
他日委泥沙
事主非無祿
浮生即有涯
高齋依藥餌
絕域改春華
喪亂丹心破
王臣未一家

欲陳濟世策已老
尚書郎未息
豺虎鬪空慙
鴛鴦行時危
人

事急晉作惡風逆晉作急
羽毛傷落日
悲江漢中宵
淚滿牀

承聞河北諸道節度入朝
歡喜口號絕句十二首

祿山作逆降天誅
更有思明亦已無
洶洶人寰猶不定
時時戰鬪欲何須

杜集十四

三

社稷蒼生計必安
蠻夷雜種錯相干
周宣漢武今王是
孝子忠臣後代看

喧喧道路多謠謠
河北將軍盡入朝
始晉作作是乾坤
王室正却交一作教江漢客魂銷

不道諸公無表來
茫然庶事遣人猜
擁兵相學干戈銳
使者徒勞百萬迴

鳴玉鏘金盡正臣
修文偃武不無人
興王會靜妖氛氣
聖壽宜過一萬春

英雄見事若通神
聖哲為心小一身
燕趙休矜出佳麗
宮闈不擬選才人

抱病江天白首郎空山樓閣暮春光衣冠是日朝天子草奏
何時入帝鄉

澶漫山東一百州削成如桮抱青丘苞茅重入歸關內王祭
還供盡海頭

東逾遼水北溱洧星象風雲喜共和紫氣關臨天地闊黃金
臺貯俊賢多

漁陽突騎邯鄲兒酒酣並轡金鞭垂意氣即歸雙闕舞雄
豪復遣五陵知

李相將軍擁荊門白頭雖老赤心存竟能盡說諸侯入知有
從來天子尊

杜集十四

西

十二年來多戰場天威已息陣堂堂神靈漢代中興主功業
汾陽異姓王

得舍弟觀書自中都已達江陵今茲暮春月末
行李合到夔州悲喜相兼團圓可待賦詩即事
情見乎詞

爾到晉作過江陵府何時到峽州亂離生有別聚集病應瘳颯
颯開啼眼朝朝上水樓老身須付託白骨更何憂

喜觀即到復題短篇二首

巫峽千山暗終南萬里春病中吾見弟書到汝爲人意荅
兒童問來經戰伐新泊舟悲喜後款款話一作議歸秦

鵲拋書示鵲鴿枝間喜不去原上急曾經江閣嫌津柳風帆
數驛亭應論十年事愁絕始星星

喜聞盜賊蕃寇揔退口號五首

蕭關隴水入官軍青海黃河卷塞雲北極轉愁龍虎氣西戎
休縱犬羊群

贊普多教使入秦數通和好止烟塵朝廷忽用哥舒將殺伐虛
悲公主親

崆峒西極過崑崙駘馬由來擁國門逆氣數年吹路斷蕃人
聞道漸星奔

勃律天西采玉河堅昆碧罽最來多舊隨漢使千堆寶少

杜集十四

十五

荅胡晉作朝王萬匹羅

今春喜氣滿乾坤南北東西拱至尊大曆二年調玉燭玄
元皇帝聖雲孫

即事

暮春三月巫峽長晶晶行雲浮一作無日光雷聲忽送千峰雨花
氣渾如百和香黃鶯過水翻迴去燕子銜泥濕不妨飛閣
卷簾圖畫裏虛無只少對瀟湘

見螢火

巫山秋夜螢火飛簾踈巧入坐人衣忽驚屋裏琴書冷復
亂簷邊星宿稀却繞井欄添箇箇偶經花蘂弄輝輝滄

江白髮愁看汝來歲如今歸未歸

送十五弟侍御使蜀

喜弟文章進添余別興牽數盃巫峽酒百丈內江舡未息豺
狼鬪空催犬馬年歸朝多便道搏擊望秋天

暮春

卧病擁塞在峽中瀟湘洞庭虛映空楚天不斷四時雨巫峽
常吹千里風沙上草閣柳新闇城邊野池蓮欲紅暮春鴛
鷺立洲渚挾子翻飛還一叢

晴二首

久雨巫山暗新晴錦繡文碧知湖外晉作上草紅見海東雲

杜集一四

六

竟日鶯相和摩霄鶴數群野花乾更落風處急紛紛
啼鳥爭引子鳴鶴不歸林下食遭泥去高飛恨久陰
雨聲衝塞盡日氣射江深迴首周南客驅馳魏闕心

雨

始賀天休雨還嗟地出雷驟看浮一作平峽過密作舊作塞密渡
江來牛馬行無色蛟龍鬪不開干戈盛陰氣未必自
陽臺

月三首

斷續巫山雨天河此夜新若無青嶂月愁殺白頭人
颯移深樹蝦蟆動半輪故園當北斗直指一作想照西秦

併點巫山出新窺楚水清羈栖愁見裏一作愁裏見二十四迴明必驗
升沈體如知進退情不違銀漢落亦伴玉繩橫
萬里瞿唐峽一作月春來六上弦時時開暗室故故滿青天爽合
風襟靜高當淚臉懸南飛有烏鵲夜久落江邊

園

仲夏流多水清晨向小園碧溪搖艇濶朱果爛枝繁
始為江山靜終防市井喧畦蔬繞茅屋自足媚盤飧

歸

束帶還騎馬東西却渡舡林中才有地峽外絕無天
虛白高人靜喧卑俗累牽他鄉悅遲暮不敢廢詩篇

諸葛廟

久遊巴子國屢入武侯祠竹日斜虛寢溪風滿薄帷君
臣當共濟賢聖亦同時翊戴歸先主并吞更出師蟲
虵穿畫壁巫覡醉蛛絲欸憶吟梁父躬耕也一作起未
遲

豎子至

攄梨且一作纜綴碧梅杏半傳黃小子幽園至輕籠熟柀
香山風猶滿把野露及新嘗欲寄江湖客提携日月長

舍弟觀歸藍田迎新婦送示兩篇

汝去迎妻子高秋念却迴即今螢已亂好與鴈同來

東望西江水南遊北戶開卜居期靜處會有故人杯
楚塞難為路一作別藍田莫滯留衣裳判白露鞍馬信清
秋滿峽重江水開帆八月舟此時同一醉應在仲宣樓

季夏送鄉弟韶陪黃門從叔朝謁

令弟尚為蒼水使名家莫出杜陵人比來相國兼安
蜀歸赴朝廷已入秦捨舟策馬論兵地拖玉腰金報
主身莫度清秋吟蟋蟀早聞黃閣畫騏驎

返照

楚王宮北正黃昏白帝城西過雨痕返照入江翻石
壁歸雲擁樹失山村衰年肺病唯高枕絕塞愁時早

杜集十四

六

閉門不可久留豺虎亂南方實有未招魂

熱三首

雷霆空霹靂雲雨竟虛無炎赫衣流汗低垂氣不蘇乞
為寒水玉願作冷秋菰何晉作那似兒童歲風涼出舞雩

瘴雲終不滅瀘水復西來閉戶人高卧歸林鳥却迴

峽中都似火江上只空雷想見陰宮雪風門颯踏開

朱李沈不冷彫胡晉作菰炊屢新將衰骨盡痛被褐一作唱味

空頻歎翕炎蒸景飄飄征戍人十年可解甲為爾一

霑巾

示獠奴阿段

山木蒼蒼落日曛竹竿裊裊細泉分郡人入夜爭餘
瀝豎子尋源獨不聞病渴三更迴白首傳聲一注濕
青雲曾驚陶侃胡奴異怪爾常穿虎豹羣

簡吳郎司法

有客乘舸自忠州遣騎安置灤西頭古堂本買藉踈
豁借汝遷居停宴遊雲石熒熒高葉曙風江颯颯亂
帆秋却為姻婭過逢地許坐曾軒數散愁

又呈吳郎

堂前撲棗任西鄰無食無兒一婦人不為困窮寧有
此祇緣恐懼轉須親一作知即防一作便遠客雖多事使一作便插

杜集十四

十九

疏籬却甚真已訴徵求貧到骨正思戎馬淚盈巾

杜工部集卷第十四

杜工部集卷第十五

前劔南節度叅謀宣義郎檢校尚書工部員外郎賜緋魚袋京兆杜甫

近體詩一百三十三首

七月一日題終明府水樓二首

秋日夔府詠懷奉寄鄭監李賓客一百韻

贈李八秘書別三十韻

寄劉峽州伯華使君四十韻

王十五前閣會

寄韋有夏郎中

寄常徵君

杜集一五

寄岑嘉州

覽物

憶鄭南珙

懷灞上遊

雨

晚晴

夜雨

更題

峽隘

存歿口號二首

日暮一首

秋日寄題鄭監湖上亭三首

謁真諦寺禪師一首

覆舟二首

秋清一首

哭王彭州掄一首

夔府書懷一首

送李功曹之荊州充鄭侍御判官重贈一首

上卿翁請修武侯廟遺像闕落一首

孤鴈一首

杜集十五

遣愁一首

寄李十五秘書二首

即事一首

灑潁一首

白帝一首

黃草一首

吹笛一首

垂白一首

草閣一首

江月一首

洞房一首

宿昔一首

能盡一首

鬪雞一首

鸚鵡一首

歷歷一首

江上一首

中夜一首

江漢一首

洛陽一首

杜集十五

驪山一首

提封一首

白露一首

孟氏一首

吾宗一首

第五弟豐獨在江左近三四載寂無消息覓使

寄此二首

送李公秘書赴杜相公幕一首

巫峽弊廬奉贈侍御四舅別之澧朗一首

溪上一首

樹間一首

八月十五夜月二首

十六夜翫月一首

十七夜對月一首

傷秋一首

秋峽一首

秋興八首

社日兩篇

秋野五首

詠懷古跡五首

杜集一五

四

送田四弟將軍一首

九月一日過孟十二倉曹十四主簿兄弟一首

過客相尋一首

孟倉曹步趾領新酒醬二物見遺一首

課小豎鉏斫舍北果林枝蔓荒穢淨訖移床三首

峽口二首

村雨一首

寒雨朝行視園樹一首

偶題一首

雨晴一首

晚晴吳郎見過北舍二首

解悶十二首

復愁十二首

諸將五首

九日五首

九日諸人集于林一首

七月一日題終明府水樓二首

高棟曾軒已自涼秋風此日灑衣裳
脩然欲下陰山雪不去非無漢署香
絕壁過雲開錦繡踈松夾水奏
笙簧看君宜著王喬履真賜還疑出尚方

終明府功曹也兼攝奉節

杜集十五

五

令故有此句佇觀奏即真也

宓子彈琴邑宰日終軍奔繻英妙時承家節操尚不
泯為政風流今在茲可憐賓客盡傾蓋何處老翁來
賦詩楚江巫峽半雲雨清簟踈簾看弈碁

秋日夔府詠懷奉寄鄭監審李賓客之一百韻

絕塞烏蠻北孤城白帝邊飄零仍百里消渴已三年
雄劍鳴開匣群書滿繫舡亂離心不展衰謝日蕭然
筋力妻孥問菁華歲月遷登臨多物色陶冶賴詩篇
峽束滄江起巖排石樹圓拂雲霾楚氣朝海蹴吳天
煮井為鹽速燒畬度地偏有時鷲壘嶂何處覓平川

鷓鴣雙雙舞獼猴壘壘懸碧蘿長似帶錦石小如錢
春草何曾歇寒花亦可憐獵人吹戍火野店引山泉
喚起搔頭急何遜云金粟裏搔頭扶行幾屐穿諸阮曰一生能著幾屐兩京

猶薄產四海絕隨肩幕府初交辟郎官幸備負瓜時

猶旅寓萍泛苦黃綠藥餌虛狼籍秋風洒靜便平開

襟驅瘴癘明日掃雲煙高宴諸侯禮佳人上客前哀

箏傷老大華屋艷神仙南內開元曲常時弟子傳法

歌聲變轉滿座涕潺湲都督栢中丞筵梨園弟子李山奴歌弔影夔州僻

回腸杜曲煎即今龍厩水莫帶犬戎羶兩京龍厩門苑馬門也渭水流

苑馬門內耿賈扶王室蕭曹拱御筵乘威滅蜂蠆勳力効

杜集十五

六

鷹鷂舊物森猶在凶徒惡未悛國須行戰伐人憶止

戈鋌奴僕何知禮恩榮錯與權胡星一彗孛黔首遂

拘孿哀痛絲綸切煩苛法令蠲業成陳始王兆喜出

于畋宮禁經綸密台階翊戴全能罷載呂望鴻鴈美

周宣側聽中興主長吟不世賢音徽一柱數道里下

牢干鄭在江陵李在夷陵鄭李光時論文章並我先陰何尚清省

沈宋欵聯翩律比崑崙竹音知燥濕絃風流俱善價

陘當父忘筌置驛常如此登龍蓋有焉雖云隔禮數

不敢墜周旋高視收人表虛心味道玄馬來皆汗血

鶴唳必青田羽翼商山起蓬萊漢閣連管寧紗帽淨

江令錦袍鮮東郡時題壁南湖日扣舷遠遊凌絕境
佳句染華牋每欲孤飛去徒為百慮牽生涯已寥落

國步乃一作尚迤邐衾枕成蕪沒池塘作弃捐平生多病築遣懷

別離憂怛怛伏臘涕連連露菊班艷錦秋蔬一作菰影

澗漚共誰論昔事幾處有新阡富貴空迴首喧爭懶

著鞭兵戈塵漠漠江漢月娟娟局促看秋鷺蕭疎聽

晚蟬雕蟲蒙記憶烹鯉問沉綿卜羨君平杖偷存子

斲檀囊虛把釵釧米盡圻花鈿甘子陰涼葉茅齋八

九椽陣圖沙北岸市暨襄西巔八陣圖市暨襄人語也江水橫通山谷處方人謂之

囊襄羈絆心常折棲遲病即痊紫收岷嶺芋一云紫秧岷下芋白種

杜集十五

七

陸池一作家蓮色好梨勝頰穰多粟過拳勅厨唯一味求

飽或三鱸兒去看魚笥人來坐馬韉一云俗異隣蛟室朋來坐馬韉

縛柴門窄窄通竹溜涓涓塹抵公畦稜京師農人指田遠近多云

幾稜稜音去聲村依野廟孺缺籬將棘拒倒石賴藤纏借問

頻朝謁何如穩晝眠誰云行不逮自覺坐能堅霽務雨

銀章澁馨香粉署妍紫鸞無近遠黃雀任翩翾困學

違從衆明公各勉旃聲華夾宸極早晚到星躔懇諫

留匡鼎諸儒引服虔不逢一作過輸鯁直會是正陶甄

宵旰憂虞軫黎元疾苦駢雲臺終日畫青簡為誰編

行路難何有招尋興已專由來具飛檝暫是擬控鳴弦

身許雙峯寺門求七祖禪落帆追宿昔衣褐向真詮

安石名高晉

鄭高簡得謝太傅之風

昭王客赴燕

李宗親有燕昭之美燕周之裔

途中非阮籍查上似張騫披拂

一作晤

雲寧在淹留景

不延風期終破浪水怪莫飛涎他日辭神女傷春

怯杜鵑淡交隨聚散澤國遶迴旋本自依迦葉何曾

藉去聲

偃佺鑪峯生轉眄橘井尚高寒東走窮歸鶴南

征盡跼鳶晚間多妙教卒踐塞前愆顧凱丹青列頭

陀琬琰鑿衆香深黯黯幾地肅芊芊勇猛為心極清

羸任體孱金篦空刮眼鏡象未離銓

一云平等未難銓

贈李八祕書別三十韻

杜集十五

八

往時中補右扈蹕上元初反氣凌行在妖星下直廬

六龍瞻漢闕萬騎略姚墟玄朔迴

一作還

天步神都憶帝

車一戎纜汗馬百姓免為魚通籍蟠螭印差肩列鳳

輿事殊迎代邸喜異賞朱虛寇盜方歸順乾坤欲晏

如不才同補袞奉詔許牽裾鴛鴦鷺叨雲閣騏驎滯玉

除

一作石渠

文園多病後中散舊交踈飄泊哀相見平生意

一作除

觸目非論故新

有餘風煙巫峽遠臺榭楚宮虛

文尚起予清秋凋碧柳別浦落紅蕖消息多旗幟經

過歎里閭戰連脣齒國軍急羽毛書幕府籌頻問

山劍

元帥杜相公初屈幕府參籌畫相公朝謁今赴後期也

山家藥正鋤

秘書比卧台星青城山中

入朝謁使節有吹噓西蜀災長弭南翁憤始攄對敷
抗士卒乾沒費倉儲勢藉兵須用功無禮忽諸御鞍
金驪裊宮硯玉蟾蜍拜舞銀鈎落恩波錦帕舒此行
非不濟良友昔相於去旆依顏色泌流想疾徐沈綿
疲井臼倚薄似樵漁乞去米煩佳客鈔詩聽小胥杜
陵斜晚照滴水帶寒淤莫話青溪髮蕭蕭白映梳

寄劉峽州伯華使君四十韻

峽內多雲雨秋來尚鬱鬱蒸遠山朝白帝深水謁一作出夷
陵遲暮嗟為客西南喜得朋哀猿更起坐落鴈失飛
騰伏枕思瓊樹臨軒對玉繩青松寒不落碧海闊逾

杜集十五

九

澄昔歲文為理群公價盡增家聲同令聞時論以儒
稱太后當朝肅多才接迹昇翠虛捎颺颺丹極上鯤
鵬宴引春壺滿一作酒恩分夏簟冰彫章五色筆紫殿
九華燈學並盧王敏書偕褚薛能老兄真不墜小子
獨無承近有風流作聊從月繼徵放蹄知赤驥挨翅
服蒼鷹卷軸來何晚襟懷庶可憑會期吟諷數益破
旅愁凝雕刻初誰料一作解纖毫欲自矜神融躡飛動
戰勝洗侵凌妙取筌蹄弃高亘百萬層白頭遺恨在
青竹幾人登迴首追談笑勞歌跼寢興年華紛已矣
世故莽相仍刺史諸侯貴郎官列宿應潘生驂閣遠

一云潘安
雲閣遠

黃霸壘書曾乳贖號攀石飢鼯訖落藤藥囊
親道士灰劫問胡僧憑久烏皮綻簪稀白帽稜林居
看蟻穴野食行魚罾筋力交彫喪飄零免戰兢皆為
百里宰正似六安丞姹女紫新裏丹砂冷舊秤但求
椿壽永莫慮祀天崩鍊骨調情性張兵撓棘矜養生
終自惜伐數一作必全懲政術甘踈誕詞場媿服膺
展懷詩誦魯割愛酒如澆平生所好
消渴止之咄咄寧書字冥
冥欲避矰江湖多白鳥天地有青蠅

王十五前閣會

楚岸收新雨春臺引細風情人來石上鮮鱸出江中

杜集十五

鄰舍煩書札肩輿強老翁病身虛俊味何幸飫兒童
寄韋韋有夏郎中

省郎憂病士書信有柴胡飲子頻通汗懷君想報珠
親知天畔少藥味峽中無歸楫生衣卧春鷗洗翅呼
猶聞上急水早作取平途萬里皇華使為僚記腐儒

寄常徵君

白水青山空復春徵君晚節旁風塵楚妃堂上色殊
衆海鶴堦前鳴向人萬事糾紛猶絕粒一官羈絆實
藏身開州入夏知涼冷不似雲安毒熱新

寄岑嘉州

一云潘安
雲閣遠

黃霸壘書曾乳虯號攀石飢鼯訐落藤藥囊
親道士灰劫問胡僧憑久烏皮綻簪稀白帽稜林居
看蟻穴野食行魚罾筋力交彫喪飄零免戰兢皆為
百里宰正似六安丞姹女縈新裏丹砂冷舊秤但求
椿壽永莫慮祀天崩鍊骨調情性張兵撓棘矜養生
終自惜伐數一作叛必全懲政術甘踈誕詞場媿服膺
展懷詩誦魯割愛酒如澠平生所好
消渴止之咄咄寧書字冥
冥欲避矰江湖多白鳥天地有主

王十五前閣會

劉伯章詩
蜀川本吳若注

楚岸收新雨春臺引細風情人來石上鮮鱸出江中

杜集十五

十

鄰舍煩書札肩輿強老翁病身虛俊味何幸飫兒童
寄韋韋有夏郎中

省郎憂病士書信有柴胡飲子頻通汗懷君想報珠
親知天畔少藥味峽中無歸楫生衣卧春鷗洗翅呼
猶聞上急水早作取平途萬里皇華使為僚記腐儒

寄常徵君

白水青山空復春徵君晚節旁風塵楚妃堂上色殊
衆海鶴塔前鳴向人萬事糾紛猶絕粒一官羈絆實
藏身開州入夏知涼冷不似雲安毒熱新

寄岑嘉州

不見故人十年餘不道故人無素書願逢顏色關塞
遠豈意出守江城居外江三峽且相接斗酒新詩終
日踈謝眺每篇堪諷誦馮唐已老聽吹噓泊舫秋夜
經春草伏枕青楓限玉除眼前所寄選何物贈子雲
安雙鯉魚

覽見物

曾為掾吏趨三輔憶在潼關詩興多巫峽忽如瞻華
岳蜀江猶似見黃河舟中得病移衾枕洞口經春長
薜蘿形勝有餘風土惡幾時迴首一高謠

憶鄭南珣

杜集卷十五

十一

鄭南伏毒守瀟洒到江心石影銜珠閣泉聲帶玉琴
風杉曾曙倚雲嶠憶春臨萬里滄浪外龍虵只自深
懷灞上遊

悵望東陵道平生灞上遊春濃停野騎夜宿敞雲樓
離別人誰在經過老自休眼前今古意江漢一歸舟
雨

萬木雲深隱連山雨未開風扉掩不定水鳥去仍迴
蛟館如鳴杼樵舟豈伐枚清涼破炎毒衰意欲登臺

晚晴

返照斜初徹浮雲薄未歸江虹明近飲峽雨落餘飛

鳧鴈終高去熊羆覺自肥秋分客尚在竹露夕微微
夜雨

小雨夜復密迴風吹早秋野涼侵閉戶江滿帶維舟
通籍恨多病為郎忝薄遊天寒出巫峽醉別仲宣樓
更題

只應踏初雪騎馬發荊州直怕巫山雨真傷白帝秋
群公蒼玉珮天子翠雲裘同舍晨趨侍胡為淹此留

峽隘

聞說江陵府雲沙淨眇然白魚如切玉朱橘不論錢
水有遠湖樹人今何處舡青山各在眼却望峽中天

杜集十五

十三

存歿口號二首

席謙不見近彈棊畢耀仍傳舊小詩玉局他年無限
笑白楊今日幾人悲

鄭公粉繪隨長夜曹霸丹青已白頭天下何曾有山
水人間不解重驂騑

高士榮陽鄭
虔曹善畫馬

日暮

牛羊下來夕各已閉柴門風月自清夜江山非故園
石泉流暗壁草露滴秋根

一作滿
秋原

頭白明燈裏何須花

燼繁

秋日寄題鄭監湖上亭三首

碧草違春意沅湘萬里秋池要山簡馬月淨庾公樓
磨滅餘篇翰平生一釣舟高唐寒浪減髣髴識昭丘
新作湖邊宅還聞賓客過自須開竹徑誰道避雲蘿
官序潘生拙才名賈傅多捨舟應轉地鄰接意如何
暫是阻蓬萊閣終為江海人揮金應物理拖玉豈吾身
羹煮秋蕒滑盃迎露菊新賦詩分氣象佳句莫頻頻
謁真諦寺禪師

蘭若山高處煙霞嶂幾重凍泉依細石晴雪落長松
問法看詩妄觀身向酒慵未能割妻子卜宅近前峰

覆舟二首

杜集十五

十三

巫峽盤渦曉黔陽貢物秋丹砂同隕石翠羽共沉舟
羈使空斜景龍居悶積流篙工幸不溺俄頃逐輕鷗
竹宮時望拜桂館或求仙姹女凌波日神光照夜年
徒聞斬蛟劍無復襲麋犀舡使者隨秋色迢迢獨上天

秋清

高秋蘇肺氣白髮自能梳藥餌憎加減門庭悶掃除
杖藜還客拜愛竹遣兒書十月江平穩輕舟進所如

哭王彭州掄

執友驚淪沒斯人已寂寥新文生沈謝異骨降松喬北
部初高選東堂早見招蛟龍纏倚劍鸞鳥夾吹簫歷

職漢庭夕中年胡馬驕兵戈闇兩觀寵辱事三朝蜀
路江干窄彭門地里遙解龜生碧草諫獵阻清霄頃
壯戎麾出叨陪幕府要將軍臨氣候猛士塞風颺井
漏泉誰汲烽踈火不燒前筭壽自多暇隱几接終朝翠
石俄雙表寒松竟後凋贈詩焉敢墜染翰欲無聊再
哭經過罷離魂去住銷之官方玉折寄葬與萍漂曠
望渥洼道霏微河漢橋夫人先即世令子各清標巫
峽長雲雨秦城近斗杓馮唐毛髮白歸興日蕭蕭

夔府書懷 四十韻

昔罷河西尉初興荆北師不才名位晚敢恨省郎遲

杜集六十五

十四

扈聖崆峒日端居灑灑時萍流仍汲引樗散尚恩慈

遂阻雲臺宿

一作靈臺伯

常懷湛露詩翠華森遠矣白首

颯淒其拙被林泉滯生逢酒賦欺文園終寂寞漢閣白
磷緇病隔君臣議慙紆德澤私揚鑣驚主辱拔劔撥
年衰社稷經綸地風雲際會期血流紛在眼涕泗亂
交頤四瀆樓舫汎中原鼓角悲賊壕連白翟戰瓦落
丹墀先帝嚴靈一作虛寢宗臣切受遺恒山猶突騎遼
海競張旗田父嗟膠漆行人避蒺藜揔戎存大體降
將飾卑詞楚貢何年絕堯封舊俗疑長吁翻北寇一
望卷西夷不必陪玄圃超然待具茨凶兵鑄農器講

殿闢書帷廟筭高難測天憂實在茲形容具潦倒
效莫支持使者分王命羣公各典司恐乖均賦斂不
似問瘡痍萬里煩供給孤城最怨思綠林寧小患雲
夢欲難追即事須嘗膽蒼生可察眉議一作義堂猶集
鳳正觀是元龜處處喧飛檄家家急競錐蕭車安不
定蜀使下何之釣瀨踈墳籍耕巖進弈碁地蒸餘破
扇冬暖更織絺豺溝哀登楚麟傷泣象屨衣冠迷適
越藻繪憶遊睢賞月延秋桂傾陽逐露葵大庭終反
樸京觀且僵尸高枕虛眠晝哀歌欲和誰南宮載勲
業凡百慎交綏

杜集十五

十五

送李功曹之荊州充鄭侍御判官重贈

曾聞宋玉宅每欲到荊州此地生涯晚遙悲水國秋
孤城一柱觀落日九江流使者雖光彩青楓遠自愁
上卿翁請修武侯廟遺像缺落時崔卿權夔州
大賢為政即多聞刺史真符不必分尚有西郊諸葛
廟卧龍無首對江濱

孤鴈

一云後
飛鴈

孤鴈不飲啄飛鳴聲念羣一作聲聲誰憐一片影相
失萬重雲望盡似猶見哀多如更聞野鴉無意緒鳴
噪自紛紛

遣愁

養拙蓬爲戶茫茫何所開江通神女館地隔望鄉臺
漸惜容顏老無由弟妹來兵戈與人事回首一悲哀
奉寄李十五秘書二首

避暑雲安縣秋風早下來暫留魚復浦同過楚王臺
猿鳥千崖窄江湖萬里開竹枝歌未好畫舸莫遲迴
行李千金贈衣冠八尺身飛騰知有策意度不無神
班秩兼通貴公侯出異人立成負文彩世業豈沉淪
即事

天畔群山孤草亭江中風浪雨冥冥一雙白魚不受
釣三寸黃甘猶自青多病馬卿無日起窮途阮籍幾
時醒未聞細柳散金甲腸斷秦川流濁涇

艷頽

艷頽旣沒孤根深西來水多愁太陰江天漠漠鳥雙
去風雨時時龍一吟舟人漁子訶迴首估客胡商淚
滿襟寄語舟航惡年少休翻鹽井橫黃金

白帝

白帝城中雲出門白帝城下雨翻盆高江急峽雷霆
鬪翠木蒼蒼藤日月昏戎馬不如歸馬逸千家今有百
家存哀哀寡婦誅求盡慟哭秋原何處村

黃草

黃草峽西舡不歸赤甲山下行人稀秦中驛使無消息蜀道兵戈有是非萬里秋風吹錦水誰家別淚濕羅衣莫愁劔閣終堪據聞道松州已被圍

吹笛

吹笛秋山風月清誰家巧作斷腸聲風飄律呂相和切月傍關山幾處明胡騎中宵堪北走武陵一曲想南征故園楊柳今搖落何得愁中曲盡生

垂白 一云白首

垂白馮唐老清秋宋玉悲江喧長少睡樓迴獨移時

杜集十五

十七

多難身何補無家病不辭甘從千日醉未許七哀詩

草閣

草閣臨無地柴扉永不關魚龍迴夜水星月動秋山

夕一作夕露清初濕高雲薄未還汎舟慙小婦飄泊損

紅顏

江月

江月光於水高樓思殺人天邊長作客老去一霑巾
玉露團清影銀河沒半輪誰家挑錦字滅燭翠眉嚬

洞房

洞房環珮冷玉殿起秋風秦地應新月龍池滿舊宮

繫舟今夜遠清漏往時同萬里黃山北園陵白露中

宿昔

宿昔青門裏蓬萊仗數移花嬌迎雜樹龍喜出平池
落日留王母微風倚少兒宮中行樂秘少有外人知

能盡

能盡毛延壽投壺郭舍人每蒙天一笑復似物皆春
政化平如水皇恩斷若神時時用抵戲亦未雜風塵

鬪雞

鬪雞初賜錦舞馬既登牀簾下宮人出樓前御柳一作曲

長仙遊終一閔女樂久無香寂寞驪山道清秋草木黃

杜集卷十五

六

鸚鵡一云翦羽

鸚鵡含愁思聰明憶別離翠衿渾短盡紅紫鬣漫多知
未有開籠日空殘舊宿枝世人憐復損何用羽毛奇

歷歷

歷歷開元事分明在日前無端盜賊起忽已歲時遷
巫峽西江外秦城北斗邊為郎從白首卧病數秋天

江上

江上日多雨蕭蕭荆楚秋高風下木葉永夜攬貂裘
勲業頻看鏡行藏獨倚樓時危思報主衰謝不能休

中夜

中夜江山靜危樓望北辰長為萬里客有媿百年身
故國風雲氣高堂戰伐塵胡鷄負恩澤嗟爾太平人

江漢

江漢思歸客乾坤一腐儒片雲天共遠永夜月同孤
落日心猶壯秋風病欲蘇古來存老馬不必取長途

洛陽

洛陽昔陷沒胡馬犯潼關天子初愁思都人慘別顏
清笳去宮闕翠蓋出關山故老仍流涕龍髯幸再攀

驪山

驪山絕望幸花萼罷登臨地下無朝燭人間有賜金

杜集十五

十九

鼎湖龍去遠銀海鴈飛深萬歲蓬萊日長懸舊羽林

提封

提封漢天下萬國尚同心借問懸車守何如儉德臨
時徵俊乂入草竊一作莫慮犬羊侵願戒兵猶火恩加四

海深

白露

白露團甘子清晨散馬蹄圃開連石樹舡渡入江溪
憑几看魚樂迴鞭急鳥栖漸知秋實美幽徑恐多蹊

孟氏

孟氏好兄弟養親唯小園承顏胝手足坐客強盤飧

負米力葵外讀書秋樹根卜鄰慙近舍訓子學誰門

吾宗

衛倉曹崇簡

吾宗老孫子質朴古人風耕鑿安時論衣冠與世同
在家常早起憂國願年豐語及君臣際經書滿腹中
第五弟豐獨在江左近三四載寂無消息覓使

寄此二首

亂後嗟吾在羈栖見汝難草黃騏驥病沙晚鵲鴝
寒楚設關城險吳吞水府寬十年朝夕淚衣袖不曾乾
聞汝依山寺杭州定越州風塵淹別日江漢失一作共

清秋影著啼猿樹魂飄結蜃樓明年下春水東盡白

杜集十五

二十

雲求

送李八秘書赴杜相公墓

青簾白舫益州來巫峽秋濤天地迴石出倒聽楓葉

下灩澦

檣搖皆指菊花開貪趨相府今晨發恐失

佳期後命催南極一星朝北斗五雲多處是三台

巫峽弊廬奉贈侍御四舅別之禮郎

江城秋日落山鬼閉門中行李淹吾舅誅茅問老翁
赤眉猶世亂青眼只途窮傳語桃源客今出處同

溪上

峽內淹留客溪邊四五家古苔生一作濕地秋竹隱踈

花塞俗人無井山田飯有沙西江使舡至時復問京華

樹間

岑寂雙甘樹婆娑一院香交柯低几杖垂實礙衣裳
滿歲如松碧同時待菊黃幾迴霑葉露乘月坐胡床

八月十五夜月二首

滿目飛明鏡歸心折大刀轉蓬行地遠攀桂仰天高
水路疑霜雪林棲見羽毛此時瞻白兔直欲數秋毫
稍下巫山峽猶銜白帝城氣沈全浦暗輪仄半樓明
刁斗皆催曉蟾蜍且自傾張弓倚殘魄不獨漢家營

十六夜翫月

杜集十五

十五

舊挹金波爽皆傳玉露秋關山隨地闊河漢近人流
谷口樵歸唱孤城笛起愁巴童渾不寢半夜有行舟

十七夜對月

秋月仍圓夜江村獨老身捲簾還照客倚杖更隨人
光射潛虬動明翻宿鳥頻茅齋依橘柚清切露華新

傷秋

村僻來人少山長去鳥微高秋收畫扇

一云藏羽扇

久客

掩荆扉懶慢頭時櫛艱難帶減圍將軍猶汗馬天子
尚戎衣白蔣風颯脆殷檉曉夜稀何年減豺虎似有
故園歸

秋峽

江濤萬古峽肺氣久衰翁不寐防巴虎全生狎楚童
衣裳垂素髮門巷落丹楓常怪商山老兼存翊贊功

秋興八首

玉露凋傷楓樹林巫山巫峽氣蕭森江間波浪兼天
湧塞上風雲接地陰叢菊兩重一作重開他日淚孤舟一繫
故園心寒衣處處催刀尺白帝城高急暮砧

夔府孤城落日斜每依南斗望京華聽猿實下三聲
淚奉使虛隨八月查畫省香爐違伏枕山樓粉堞隱
悲笳請看石上藤蘿月已映洲前蘆荻花

杜集十五

三三

千家山郭靜朝暉一日

一作百處

江樓坐翠微信宿漁人還

汎汎清秋燕子故飛飛匡衡抗疏功名薄劉向傳經
心事違同學少年多不賤五陵衣馬自輕肥

聞道長安似弈碁百年世事不勝悲王侯第宅皆新
主文武衣冠異昔時直北關山金鼓振征西車馬羽
書遲魚龍寂寞秋江冷故國平居有所思

蓬萊宮闕對南山承露金莖霄漢間西望瑤池降王
母東來紫氣滿函關雲移雉尾開宮扇日繞龍鱗識
聖顏一卧滄江鷲歲晚幾迴青瑣點朝班

瞿唐峽口曲江頭萬里風煙接素秋花萼夾城通御

氣芙蓉小苑入邊愁朱簾繡柱圍黃鶴錦纜牙檣起
白鷗回首可憐哥舞舞地秦中自出帝王州

昆明池水漢時功武帝旌旗在眼中織女機絲虛月
夜石鯨鱗甲動秋風波漂菰米沉雲黑露冷蓮房墜
粉紅關塞極天唯鳥道江湖滿地一漁翁

昆吾御宿自逶迤紫閣峯陰入漢陂香稻啄餘鸚鵡
粒碧梧棲老鳳凰枝佳人拾翠春相問仙侶同舟晚
更移綵筆昔遊干氣象白頭吟望苦低垂

社日兩篇

九農成德業百祀發光輝報効神如在馨香舊不違

杜集十五

三

南翁巴曲醉北鴈塞聲微尚想東方朔詼諧割肉歸
陳平亦分肉太史竟論功今日江南老他時渭北一作水童
歡娛看絕塞涕淚落秋風鴛鴦迴金闕誰憐病峽中

秋野五首

秋野日疏蕪寒江動碧虛繫舟蠻井絡卜宅楚村墟
棗熟從人行一作打葵荒欲自一作且鋤盤飧老夫食分
減及溪魚

易識浮生理難教一物違水深魚極樂林茂鳥知歸
吾老甘貧病榮華有是非秋風吹几杖不厭此山薇
禮樂攻吾短山林引興長掉頭紗帽仄曝背竹書光

風落收松子天寒割蜜房
稀踈小紅翠駐屐近微香
遠岸秋沙白連山晚照紅
潛鱗輸駭浪歸翼會高風
砧響家家發樵聲箇箇同
飛霜任青女賜被隔南宮
身許騏驎盡年衰鴛鴦羣
大江秋易盛空峽夜多聞
逕隱千重石帆留一片雲
兒童解蠻語不必作參軍

詠懷古跡五首

支離東北風塵際漂泊西南天地間
三峽樓臺淹日月五溪衣服共雲山
羯胡事主終無賴詞客哀時且未還
庾信平生最蕭瑟暮年詩賦動江關

搖落深知宋玉一作宋玉為主悲風流儒雅亦吾師
悵望千秋

杜集卷一五

二百

一灑淚蕭條異代不同時
江山故宅空文藻雲雨荒臺豈夢思
最是楚宮俱泯滅舟人指點到今疑

羣山萬壑赴荆門生長明妃尚有村
一去紫臺連朔

漠獨留青塚向黃昏
畫圖省識春風面環珮空歸月

夜魂千歲琵琶作胡語分明怨恨曲中論

歸州有昭君村

蜀主窺吳幸三峽崩年亦在永安宮
翠華想像空

寒作

山裏玉殿虛無野寺中古廟杉松東水鶴
歲時伏臘

走村翁武侯祠屋長鄰近一體君臣祭祀同

殿今為寺廟在宮東

諸葛大名垂宇宙宗臣遺像肅清高三分割據紆籌

策萬古雲霄一羽毛伯仲之間見伊呂指揮若定失

蕭曹福移漢祚難恢復志決身殲軍務勞

送田四弟將軍

將夔州栢中丞命起居江陵節度陽城郡王衛公幕

離筵罷多酒起地發寒塘迴首中丞座馳牋異姓王
鸞辭楓樹日鴈度麥城霜空醉山翁酒遙憐似葛強
九月一日過孟十二倉曹十四主簿兄弟

藜杖侵寒露蓬門啓曙煙力稀經樹歇老困撥書眠
秋覺追隨盡來因孝友偏清談見滋味爾輩可忘年
過客相尋

窮老真無事江山已定居地幽忘盥櫛客至罷琴書
挂壁移筐果呼兒問煮魚時間繫舟楫及此問吾廬

杜集十五

五

孟倉曹步趾領新酒醬二物滿器見遺老夫

楚岸通秋屐胡牀面夕畦藉糟分汁滓甕瓦醬落提携
飯糲添香味朋來有醉泥理生那免俗方法報山妻

課小豎鉏斫舍北果林枝蔓荒穢淨訖移牀三首

病枕依茅棟荒鉏淨果林背堂資僻遠在野興清深
山雉防求敵江猿應獨吟洩雲高不去隱几亦無心

衆壑生寒早長林卷霧齊青蟲懸就日朱果落封泥
薄俗防人面全身學馬蹄吟詩坐迴首隨意葛巾低
籬弱門何向沙虛岸只摧日斜魚更食客散鳥還來
寒水光難定秋山響易哀天涯稍曛黑倚杖更徘徊

峽口二首

峽口大江間西南控百蠻城歌連粉堞岸斷更青山
開闢多天險防隅一水關亂離聞鼓角秋氣動衰顏
時清關失險世亂戟如林去矣英雄事荒哉割據心
蘆花留客晚楓樹坐猿深疲苾煩親故諸侯數賜金

村雨

雨聲傳兩夜寒事颯高秋挈帶看朱紱開箱覩黑裘
世情只益睡盜賊敢忘憂松菊新霑洗茅齋慰遠遊
寒雨朝行視園樹

柴門雜樹向千株丹橘黃甘此地無江上今朝寒雨

杜集卷十五

三六

歇籬中秀

一作邊新

色畫屏綺桃蹊李徑年雖故梔子紅

椒艷復殊鍊石藤梢元自落倚天松骨見來枯林香
出實垂將盡葉蒂辭枝不重蘇愛日恩光蒙借貸清
霜殺氣得憂虞衰顏動覓藜牀坐緩步仍須竹杖扶
散騎未知雲閣處啼猿僻在楚山隅

偶題

文章千古事得失寸心知作者皆殊列名聲豈浪垂
騷人嗟不見漢道盛於斯前輩飛騰入餘波綺麗為
後賢兼舊利歷代各清規法自儒家有心從弱歲疲
永懷江左逸多病鄴中竒駉驥皆良馬騏驎帶好兒

車輪徒已斲堂構惜仍虧漫作潛夫論虛傳幼婦碑
緣情慰漂蕩抱疾屢遷移經濟慙長策飛樓假一枝
塵沙傍蜂蠆江峽繞蛟螭蕭瑟唐虞遠聯翩楚漢危
聖朝兼盜賊異俗更喧卑鬱鬱星辰劍蒼蒼雲雨池
兩都開幕府萬寓插軍麾南海殘銅柱東風避月支
音書恨烏鵲號怒怪熊羆稼穡分詩興柴荆學土宜
故山迷白閣秋水憶黃陂不敢要佳句愁來賦別離

雨晴

雨時山不改晴罷峽如新天路看殊俗秋江思殺人
有猿揮淚盡無犬附書頻故國愁眉外長歌欲損神

杜集十五

二十七

晚晴吳郎見過北舍

圃畦新一作佳雨潤媿子廢鉏來竹杖交頭挂柴扉掃徑
開欲栖羣鳥亂未去小童催明日重陽酒相迎自醖醅

解悶十二首

草閣柴扉星散居浪翻江黑雨飛初山禽引子哺紅
果溪友一作女得錢留白魚

商胡離別下揚州憶上西一作蘭陵故驛樓為問淮南
米貴賤老夫乘興欲東流

一辭故國十經秋每見秋瓜憶故丘一作侯今日南湖采
薇蕨何人為覓鄭瓜一作表州今鄭審

沈范早知何水部曹劉不待薛郎中獨當省署開文苑兼泛滄浪學釣翁

水部郎中據

李陵蘇武是吾師孟子論文更不疑一飯未曾留俗客數篇今見古人詩

校書郎虞卿

復憶襄陽孟浩然清詩句句盡堪傳即今耆舊無新語漫釣槎頭縮頸鰻

陶冶性靈在底物新詩改罷自長吟孰知二謝將能事頗學陰何苦用心

不見高人王右丞藍田丘壑漫寒藤最傳秀句裏區滿未絕風流相國能

右丞弟今相國縉

先帝貴妃今寂寞荔枝還復入長安炎方每續朱櫻獻玉座應悲白露團

憶過瀘戎摘荔枝青楓隱映石逶迤京中舊見君顏色紅顆酸甜只自知

翠瓜碧李沈玉甃赤梨蒲萄寒露成可憐先不異枝蔓此物娟娟長遠生

側生野岸及江蒲不熟丹宮滿玉壺雲壑布衣鮐背死勞生重馬翠眉踈

復愁十二首

人煙生處僻虎跡過新蹄野鷗翻窺草村舡逆上溪

釣艇收緡盡昏鴉一作鷗接翅稀月生初學扇雲細不成衣

萬國尚防寇故園今若何昔歸相識少早已戰場多
身覺省郎在家須農事歸年深荒草逕老恐失柴扉
金絲鏤箭鏃阜尾製旗竿一自風塵起猶嗟行路難
胡虜何曾盛干戈不肯休閭閻聽小子談話覓封侯
正觀銅牙弩開元錦獸張花門小前一作箭好此物棄
沙場

今日翔麟馬先宜駕鼓車無勞問河北諸將覺一云角
榮華

杜集卷十五

三九

任轉江淮粟休添苑囿兵由來貔虎士不滿鳳皇城
江上亦秋色火雲終不移巫山猶錦樹南國且黃鸝
每恨陶彭澤無錢對菊花如今九日至自覺酒須賒
病減詩仍拙吟多意有餘莫看江揔老猶被賞時魚
諸將五首

漢朝陵墓對南山胡虜千秋尚入關昨日玉魚蒙葬
地早時金盃出人閒見愁汗馬西戎逼曾閃朱旗北
斗閑多少材官守涇渭將軍且莫破愁顏

韓公本意築三城擬絕天驕拔漢旌豈謂盡煩回紇
馬翻然遠救朔方兵胡來不覺潼關隘龍起猶聞晉

水清獨使至尊憂社稷諸君何以荅升平

洛陽宮殿化為烽休道秦關百二重滄海未全歸禹
貢荊門何處盡堯封朝庭衮職雖多預天下軍儲不
自供稍喜臨邊王相國肯銷金甲事春農

迴首扶桑銅柱標冥冥氛祲未全銷越裳翡翠無
消息南海明珠久寂寥殊錫曾為大司馬揔戎皆插侍
中貂炎風朔雪天王地只在忠臣翊聖朝

錦江春色逐人來巫峽清秋萬壑哀正憶往時嚴僕
射共迎中使望鄉臺主恩前後三持節軍令分明數
舉盃西蜀地形天下險安危須仗出羣材

杜集十五
九日五首 闕一首

重陽獨酌盃中酒抱病豈起云登江上臺竹葉於人

既無分菊花從此不須開殊方日落玄猿哭舊國霜
前白鴈來弟妹蕭條各何往干戈衰謝兩相催

舊日重陽日傳盃不放盃即今蓬鬢改但媿菊花開
北闕心長戀西江首獨迴茱萸賜朝士難得一枝來
舊與蘇司業兼隨鄭廣文采花香泛泛坐客醉紛
紛野樹歌還倚秋砧醒却聞歡娛兩冥莫西北有孤雲
故里樊川菊登高素澹源他時一笑後今日幾人存
巫峽蟠江路終南對國門繫舟身萬里伏枕淚雙痕

為客裁烏帽從兒具綠樽佳辰對一作帶羣盜愁絕更
堪論

九日諸人集于林

九日明朝是相要舊俗非老翁難早出賢客幸知歸
舊采黃花賸新梳白髮微漫看年少樂忍淚已霑衣

杜工部集卷第十五

